

PLEIV TUJETSCH



Rapport annual 2002

Invitaziun

**alla radunonza generala dalla Pleiv da Tujetsch
gliendisdis, ils 2 da zercladur 2003 allas 20.15 uras,
en casa da scola a Rueras**

Tractandas

Avertura e beinvegni

1. Elecziun da dus dumbravuschs
2. Protocol dalla radunonza generala dils 14 da matg 2002
3. Protocol dalla radunonza extraordinaria dils 24 da fevrer 2002
4. Rapport dil president dalla pleiv
5. Rapport dalla presidenta dil Cussegl pastoral
6. Rendaquen, rapport dils revisurs ed approvaziun dil quen 2002
7. Preventiv e fixar il pei da taglia per 2003
8. Varia

**Cun Vossa presenza alla radunonza deis Vus sustegn ed anim alla
suprastonza ed all'entira pleiv.**

En num dalla suprastonza da pleiv Tujetsch

Il president:

Tadeus Giossi

Il vicepresidente:

Mudest Venzin

Protocol dalla radunonza generala dalla pleiv da Tujetsch

**mardis, ils 14 da matg 2002 allas 20.15 uras en l'aula
dalla casa da scola a Sedrun.**

Tractandas

Avertura e beinvegni

1. Elecziun da dus dumbravuschs
2. Protocol dalla radunonza generala dils 23 d'avrel 2001
3. Rapport dil president dalla pleiv
4. Rapport dalla presidenta dil cussegl pastoral
5. Rendaquen, rapport dils revisurs ed approbaziun dil quen 2001
6. Preventiv e fixar il pei da taglia per 2002
7. Decisiun e damonda da credit per la restauraziun e manteniment caplutta s. Clau Tschamut
8. Decisiun e damonda da credit per la restauraziun e la midada d'intent casa pervenda, Sedrun
9. Elecziun dalla delegada ni delegau el parlament dalla baselgia catolica dil Grischun
10. Elecziun dils commembers dil cussegl pastoral
11. Varia

Presents: 29 personas

Perstgisas: Gion-Giachen Monn Rueras e Vigeli Giossi Rueras

Nies niev president dalla pleiv Tadeus Giossi arva la radunonza generala dalla pleiv, fagend a tuts presents in sincer cordial beinvegni. A tuts giavischa el ina empermeivla ed interessanta deliberaziun dallas tractandas ed engrazia a tuts presents per gl'interess che vegn demussaus pils fatgs da nossa pleiv. Specialmein beneventa el nos dus augsegners Sur Alexi Manetsch sco era sur Ozioma Nwachukwu.

Tractanda 1

Eleccziun dad inA dumbravuschs

Sco dumbravuschs vegn elegida dunna Barla-Agata Schmid-Cavegn.

Tractanda 2

Protocol dalla davosa radunonza generala dils 14 da matg 2002

Il protocol dalla davosa radunonza generala vegn approbaus sco publicau el rapport annual senza objecziuns. Il president engrazia all'actuara per la buna lavur.

Tractanda 3

Rapport dil president dalla pleiv

Preziadas parochianas, preziai parochians

Strusch ei la nova suprastonza elegida descha ei ad ella da rapportar cun in rapport a scret empau sur dil curriu e passau enteifer la cuminonza dils cartents. Alla davosa radunonza generala ordinaria dalla pleiv han votantas e votans anflau negin per il presidi da nossa pleiv, aschia ch'ei ha duvrau ina radunonza extraordinaria per eleger in president. Las retschercas per persunas ch'ei promptas da surpender in uffeci per il generalesser vegnan adina pli e pli stentusas ed ei vegn onn per onn pli grev d'anflar persunas che stattan a disposiziun per in u l'auter mandat. Il daco e pertgei ei buca sempel da dilucidar, il temps ei semidaus ils davos decennis enorm. Haver temps e peda in per l'auter, segidar in cun l'auter ei buca pli d'impurtonza, ins ei buca pli dependents in da l'auter. Oz anfla ins gie tut en stizuns ni en catalogs. Denton la pasch interna sa ins buca empu-star en igl internet ni per telefon. Ins sa denton anflar ella per exempel en ina cuminonza da suprastonza. Ultra dil pensum da lavur che serepeta onn per onn ha la suprastonza da pleiv aunc liquidau e reglau specialmein ils suandonts fatgs:

En general

Prau sut baselgia a Sedrun

Entras scavaments ei empau dalla parcella sut baselgia sbuada el Drun. La firma Murer ha era fatg diever e vendiu quei material sco igl auter ch'ella retila ord il Drun. Quei indemnisescha la firma alla vischnaunca. Igl ei buca stau pusseivel da far remetter la parcella el stan d'origin ed ensemen cun la firma Murer ha ins encuretg in'otra sligiaziun. Cun in'indemnisaziun pauschala da Frs. 18'900.- alla fundaziun baselgia s. Vigeli ei quella caussa vegnida messa ad acta.

Alptransit

Cugl Alptransit ei vegniu fatg ina cunvegna partenent igl orientar la populaziun en cass da disgrazias. Era quels luvrers vid il tunnel da basa ein commembers da nosssa pleiv. Perquei duei la populaziun tuatschina era vegnir informada en cass da mortoris cun tucrar il zenn grond. Plinavon ha la suprastonza dalla pleiv fatg amogna ils survetschs da baselgia.

Collaboraziun pleiv Tujetsch e Mustér

Cun l'entschatta zercladur 2001 ha ina pli stretga collaboraziun denter las pleivs da Tujetsch e Mustér entschiet. Tier la pleiv da Mustér era, suenter l'abdicaziun da Sur Sievi, la piazza da spiritual vacanta. Sur Alexi Manetsch havess giu queidas da surprender la pastoraziun tier la pleiv da Mustér. Denton eis el staus prompts da surprender omisduas pleivs sco plevon, segiramein era muort las grondas pitgiras da spirituals romontschs. El ha denton era giu in giustificau giavisch da survegnir agid entras in vicari. Quei ei lu era stau pusseivel e nus havein saviu engaschar sur Ozioma Nwachukwku sco vicari da sur Alexi. El ha giavischau da saver entscheiver siu survetsch cun mo 4 meins la stad per saver silsuenter referar en sia patria e liquidar aunc certs projects en Nigeria. Ins astga bein dir che nus parochians havein serrau el en nies cor ed havein spitgau vess sin siu retuorn. Per ch'el gie tuorni puspei havein nus fatg cun el in contract da lavur. Siu engaschi sco vicari da sur Alexi munta a rodund 35%. Plinavon eis el vegnius engaschus dalla SIGA per 35% sco luvrer da giuventetgna. Sia lavur sco pastur dalla giuventetgna ei pil mument en las vischnauncas da Breil, Trun, Mustér e Tujetsch. Plinavon ha Sur Ozioma era in engaschament per dar ductrina al scalem ault ensemen cun dunna Gisela Just. Aschia sa el emprender d'enconuscher ed empalar ils giuvenils gia el temps da scola. Quella lavur ha adina pli e pli gronda impurtonza e sto vegnir tgirada da tuttas varts. Cun Sur Alexi Manetsch e las duas pleivs Tujetsch e Mustér ei medemamein vegniu fatg in contract da lavur e reglau tgei cuosts che mintga pleiv ha da surprender. Nies cassier Simeon Cavegn ha la bitgetta en quella caussa, visescha la paga als plevons e fa lu giu quen cun la pleiv da Mustér.

Cun quellas midadas ha ei era duvrau in niev agid per empalar vinavon telefons e coordinar termins. Aschia ei vegniu scaffiu in secretariat cun in pensum da lavur da ca. 15%. Per quella piazza havein nus saviu engaschar nosssa catecheta, dunna Angelica Tuor. Era cun ella ei vegniu fatg in contract da lavur e reglau tut ils fatgs che pertuccan siu engaschi.

Duront quei onn ha ei sco menziunau pia dau grondas midadas. Tgi vess detg avon paucs onns, che la pleiv da Tujetsch hagi igl onn 2002 buca pli in augsegner en uffeci cumplein.

Engraziament

In resentiu engraziament lessen nus responsabels dalla pleiv admetter a Vus tuts, preziada cuminonza parochiana. Cun Vossa capientascha e Vies sustegn sespruein nus d'empalar la barca e menar tutta lavur a buna fin. Cun Vossa preschientscha tier las activitads da nossa baselgia contribuis Vus per in bien beinstar da cuminonza. Per tut Vies engaschi e lavur el zuppau schein nus a Vus in sincer e cordial «Dieus paghi».

Denton lessen nus buca tralascar d'engraziar specialmein a nos premurai plevon's sur Alexi Manetsch e sur Ozioma Nwawuchwu per tutta lavur e quitau. Era in cauld engraziament a Sur Placi Huonder, sur Christian Monn e sur Giusep Berther per tutta lavur ch'els prestan en favur da nos seniors. Plinavon engraziein nus allas calustras e calusters, als ugaus da baselgias e capluttas per tutta premura e quitau per nos sanctuaris. Al chor da baselgia ed alla musica sco era alla giuventegna per lur producziuns duront las messas e fiastas ed a Vus tuts che contribuis sin ina moda ni l'otra cun agid en favur da nossa pleiv e da nossa cuminonza admettein in sincer e grond engraziament.

Alla fin da siu rapport giavischa nies president Tadeus Giossi a tuts presents tut bien, perseveronza perschuadida pils fatgs da nossa religiun sut la protecziun dil Tutpussent.

Tractanda 4

Rapport dalla presidenta dil Cussegl pastoral

Il rapport dil Cussegl pastoral ei vegnius publicaus el rapport annual e vegn mess en discussiun, dalla quala negin fa diever. A tuts commembers cun la presidenta Uschi Cavegn in sincer e grond engraziament.

Tractanda 5

Rapport da quen, dils revisurs ed approvaziun dil quen 2001

Il rapport dil cassier ha pretendiu pli bia temps. Tier las intradas ein la taglia ed ils tscheins casa sereduci considerablamein. Ulteriuras intradas sco tscheins da praus, baghetgs, fondos e carnets e contribuziuns ein restadas las medemas sco ils davos onns. Tier las expensas ein ils parcadis a Selva vegni catramai ed han custau empau dapli, plinavon ei era la taxa unica per la serenera vegnida nunprevedidamein. Il quen da bilanza e sperdita muossa ora aschia in minus da varga frs. 34'000.

Il cassier Simeon Cavegn ei sespruaus da dar risposta sin tutas damondas. Discussiun ha sin quei era il preventiv dau. Quel preveda in auter onn in ulteriur deficit da varga

frs. 60'000. Quei ha tuttina dau da patertgar ad enqual dils presents ed igl ei vegniu motivau da spargnar. Mo nua e daco ei adina ina pli greva caussa, cunquei che bia expensas serepetan onn per onn e san buca vegnir restrenschidas. Sco per exempel cuosts da persunal, cuosts per indrezs, cuosts da manteniment ed auters. Buca mantener ni buca renovar ei ton sco surschar tut al destin e pli tard custass tut pli bia. Il medem eis ei era cun cuosts per dar ductrina ch'ei vegni pri sut la marella. Vulcan ins mantener vinavon la scolaziun sche pretenda quei era cuosts leusunter. Enzatgei denton ei segir. Far nuot cuosta nuot e dat era nuot lavur. Tuttina ei ina buna discussiun adina d'engrau per dar aschia a tuts empau survesta sur dil grond pensum ch'ina suprastonza da pleiv ha in onn ora.

Ils revisurs prendan il plaid e manegian ch'ei seigi segir d'impurtonza da sediscussiunar e prender en egl certas caussas sch'ins savessi eventualmein forsa tuttina aunc midar. Tenor mussament dallas cefras vesien ins che las intradas sesminueschien e las expensas creschien. Ciril Monn tila a strada ch'il deficit previus seigi ualti gronds. Cheu sa nies cassier comunicar che plirs motivs hagian menau leutier. Inagada segir la midada dalla declaronza da taglia dad ina perioda da 2 onns giu sin in onn, demai ch'igl'emprem onn seigi muort la midada pli u meins provisorics ed ei seigi grev dad eruir definitiv las entradas da taglia. Denton seigi el perschuadius che talas vegnien ad esser pli aultas che calculadas el preventiv. Plinavon vegnien daniev era las lètgs mischedadas muort la nova lescha a purtar en pli pauca taglia da cultus.

Il quen seigi menaus sco adina tip top da nies cassier. Els hagian controllau dretg e seniester ed hagian neginas objecziuns e documenteschan che tut seigi en uorden. Ils revisurs engrazian al cassier per sia seriosa e buna lavur. Els recamondan d'approbar il quen e da dar scarica al cassier ed a tuts funcziunaris cun admetter in grond engraziament. Cun tscharna unanima vegn il quen approbaus.

Tractanda 6

Preventiv e fixar il pei da taglia per 2002

Il preventiv pigl onn 2002 ei vegnius approbaus senza objecziuns ed il pei da taglia resta vinavon sco entochen da cheu sin 10% dalla taglia cantunala sempli.

Tractanda 7

Decisiun e damonda da credit per la restauraziun e manteniment caplutta s. Clau Tschamut

La caplutta da Tschamut ei en in pauper stan ed ha basegns d'ina remadura. Denton vegness fatg mo il pli necessari: Dar colur ordadora, oravontut remediare ed era colurar

endadens nua ch'ei vesa propi ora mal, renovar il clutger sco aunc autras pintgas caussas pendentas. Igl intern seigi humid e stgir. Denton eliminar la humiditad dil tut pretendess fetg gronds cuosts. Plinavon ei lu era il credit sez vegnius mess en damonda. Mo il pli necessari e tonaton cuosta quei varga frs. 30'000 -. Ei seigi buca caussa dalla pleiv da financiar renovaziuns. Lezza sappi star botta per in credit, mo la finanziaziun seigi segir da surschar alla caplutta sezza. Sche la pleiv finanzieschi mintga renovaziun sappi quei daventar era per las ulteriuras baselgias e capluttas exempel ed il davos sfurzar la pleiv da far deivets enorms. Aschia ha la radunonza alla fin dau la concessiun alla pleiv da star botta per in credit. Igl ei da sperar che la renovaziun reusseschi e plaigi a tuts visitaders, era sch'ei vegn fatg mo il pli necessari.

Tractanda 8

Decisiun e damonda da credit per la restauraziun e la midada d'intent casa pervenda a Sedrun

La veta religiusa sespleigia per biars oz ordvart la baselgia. Tut semida, aschia era la cultura da pastoraziun. Quei ei davart dalla suprastonza dalla pleiv curdau si a nus zun fetg dapi che nies augsegner sur Ozioma pastorescha cheu tier nus. Ins vesa ch'el ha absolviu novas e modernas scolaziuns pertuccont ir entuorn cun giuventegna ni insumma en tut. El vegn cun ideas ch'ei zun novas per nus parochians cheu en la Val. Buca mendras ni meglieras, mo autras. Aschia havein era discussiunau cun el pertuccont la casa pervenda ch'ei ussa vita ed isolada. El ha purtau l'idea ch'ei fussi d'engrau da posseder in center da sentupada per nossa pleiv. Ei fagess basegns d'haver in center nua ch'ins sa s'entupar, far sesidas, in liug che survess a basegns multifars d'ina pleiv. La suprastonza da pleiv ha priu enconuschientscha da quei giavisch ed ei sedada giu cun quei fatg. In architect ha elaborau gratuitamein per nus ina skizza e mussau tgei pusseivladads ch'ei dess en l'existentia casa pervenda. Quella exista ussa varga 40 onns ed ha aunc mai viu dapi lu ina remadura pli seriusa. Ei pretenda aschia ni aschia da far enzatgei cun quella casa. En il studi elaboraus fuss ina sala da sentupada, las necessarias tualettas, ina stanza per il secretariat, ina stanza nua ch'ils augsegners savessen retscheiver visitaders ni dar audienzas ed era ina stanza per augsegners hospitonts. Plinavon fuss ei era la pusseivladad per ina biblioteca, che vegn gia daditg encuretga en vischnaunca. Aschia in center enconuschan las pleivs ella bassa gia daditg. Ei fuss ina purschida supplementara che savess vegnir bein d'engrau per la pastoraziun vegnenta. Mo cheu ein ils meinis i ulti fetg in ord l'auter. In tema ei staus, che aschiditg che sur Ozioma seigi cheu vegnessi quei forsa duvrau, suenter seigi quei vit e negin fetschi diever dalla caussa. In'otra tema ei ch'ins vegli trer la giuventetgna ord baselgia. Auters meinis ein stai che quei project seigi buca aunc madirs, buca pon-deraus e drovi dapli studis. Era ils

meinis positivs ein stai presents. Ei seigi nies avegnir, per nos affons e per nossa cuminonza da pleiv. Ei fussi ina schanza d’haver in liug da sentupada. La lavur da pleiv cali buca si cura che sur Ozioma mondi. Ei stopi era lu ira vinavon. Quei fussi era ina buna reclama sche l’infrastructura constetti per aschia survegnir vinavon giuvens augseggners. Segir eis ei che survegnir giuventetgna en nossa baselgia va pli e pli vess e forsa che la lavur pastorala sesplegia pli e pli savens ordeifer la baselgia e per quei intent ei in liug da sentupada sco la pleiv ha mess avon segir fetg d’engrau. En quei senn eis ei mo giustificau da persecutar vinavon quei project. La radunonza ha suenter ina liunga discussiun tuttina dau la competenza alla suprastonza da pleiv da persecutar vinavon l’idea, schar elaborar ora entginas ideas ed era dau in necessari credit per quei. Igl ei da giavischar che quei reusseschi ed ella sappi presentar pli tard en ina radunonza in project che vegn purtaus dall’entira pleiv. Denton drova ei buca in bien project, ei drova en tut cass la perschasiun per la caussa sco tala.

Tractanda 9

Eleccziun d’in delegau ni d’ina delegada el parlament dalla baselgia catolica dil cantun Grischun.

Entochen uss ei dunna Angelica Tuor stada en quella posiziun. La suprastonza ha saviu presentar alla radunonza generala dunna Margrit Cavegn-Flury che stat a disposiziun. Ella ei vegnida elegida dalla suprastonza sco nova secretaria e vegn momentan luvrada en entras Angelica Tuor. Per il post en il parlament catolic eis ella vegnida elegida unanimamein.

Trastanda 10

Eleccziun dils commembers dil cussegl pastoral

Il cussegl pastoral possedeava entochen da cheu 17 commembers. Bia da quels delegai da diversas uniuns ni instituziuns. Bein savens ha quei dau empau da patertgar ed ins ei vegni dil meini da reducir il cussegl sin 11 personas. Tuttas personas proponidas ein vegnidadas elegidas ed aschia sa il niev cussegl pastoral surpender da niev l’impurtonta lavur.

Tractanda 11

Varia

Sut varia ha ei dau entginas propostas e damondas. Ina da quellas ei stada daco ei seigi buca indicau en la Tuatschina mintga dumengia tgei augsegner fetschi messa. En il temps da scartezia da spirituals ei quei buca adina pusseivel ed ei drova era davart dils

parochians empau pazienza e capientscha sch'ins sa buc'adina ordavon tgi ch'ei presents ni buca. Forsa eis ei era da ponderar schebein nus vegnin survi vinavon cun tontas messas la sonda e dumengia. En il temps dad oz cun tala scartezia d'augsegners stuein ponderar da parter els egl avegnir aunc dapli cun autras pleivs vischinontas. Eventualmein vegness mintgamai fatg ina messa la sonda ed ina la dumengia, alternond a Rueras ed a Sedrun.

Sco conclusiun engrazia il president Tadeus Giossi alla catecheta Angelica Tuor per siu grond engaschi en favur da nos affons e da nossa pleiv. Ella vegn a bandunar nus cun la fin digl onn da scola. Entochen ussa ha ins anflau negin successur ni successura per la catechesa. Cheu spetga vinavon in grev pensum per suprastonza ed augsegners.

Il president engrazia a tuts presents d'aver priu peda per l'interessanta seduta e giavischa ina buna notg.

Allas 22.30 uras terminaziun dalla radunonza.

Camiscolas, ils 10 da zercladur 2002

L'actuar:
Daniela Monn-Berther

**Caplutta da
Tschamut en
vestgiu d'unviern**



Protocol dalla radunonza generala extraordinaria dalla pleiv da Tujetsch

gliendisdis, ils 24-02-2003 allas 20.00 uras ell'aula da scola a Sedrun

1. Allas uras fixadas arva sgr. president Tadeus Giossi la hodierna radunonza e giavisch a tuts in bien decuors da tala en tutta raschuneivladad e respect vicendeivel da tuttas varts.

El beneventa tuts presents ed accentuescha specialmein il plascher d'astgar solidar oz tons parochians a quella radunonza. Ina causa che muossi ch'igl interess seigi era avon maun tiel pievel e che detti era curascha als responsabels davontier da tgamunar la barca tenor lur meglia saver e puder.

In special beinvegni admetta el als plevons sur A. Manetsch e sur O. Nwachukwu, lu era alla delegaziun dalla suprastonza communal cun siu president P. Berther alla testa.

2. La gliesta da tractandas vegn approbada cun far la suandonta midada:

- tractanda 4; «Info: Niev plevon e collaboraziun cun Mustér e Medel» duei vegnir prida avon che tractandar la sanaziun, aschia che quella causa vegn tractada sut punct 2.

Sco dumbravuschs vegn sgr. scolast Benedetg Hendry elegius.

2. Informaziun niev plevon:

Cun plascher e satisfaziun astga nies president T. Giossi comunicar als presents ch'ins hagi finalmein saviu engaschar in niev gidonter per nies plevon sur Alexi Manetsch e quei ella persuna da sgr. Albert Wangler, actualmein spiritual a Breil. Essend che sur A. Manetsch era vegnius incaricaus digl uestgiu da Cuera anora ch'el stoppi surprender l'administraziun a Medel, demai che tals hagian negin plevon, ha el detg cun raschun, che allura vegli el era sche zaco pusseivel surprender la pastoraziun e menar atras ils survetschs divins enta Medel. Entochen oz fuva el sco plevon parsura responsabels per las pleivs da Tujetsch e Mustér cun agid da sur O. Nwachukwu sco gidonter (vicari) en pensum da 35%. Per surprender vitier aunc Medel fuva quei agid denton memia pigns, aschia ch'ins ha adina tenuu en egl

d'encurir in ulteriur spiritual gidonter. Sche havein anflau oz tal, ei quei pli u meins il meret da sur Alexi Manetsch. Sin fundament da quella nova situaziun, ein las duas suprastonzas responsablas Tujetsch e Mustér lu era semessas definitivamein en contact cun Medel per encurir ina collaboraziun communabla, quei ch'ei pils da Medel era stau fetg d'engrau e che vegn finanziamein era dabiens a mintg'in, demai ch'ils cuosts sereduceschan aschia considerablamein per mintga pleiv. Ella practica vesa la caussa ora concretamein aschia, che sur A. Manetsch ei il plevon responsabel per tuttas treis pleivs e sur A. Wangler siu spiritual-gidonter en piazza cumpleina da 100 % e sur O. Nwachukwu sco 2. spiritual-gidonter en piazza parziala da 20 %; il qual surpren pli u meins las substituziuns da vacanzas, sco era gidar ora ils temps da catsch sco Nadal/Daniev, Pastgas, Dumengi'alva, Tschuncheismas ed ulteriuras fiastas pli grondas. Sur Alexi restass vinavon domiciliaus a Mustér, ferton che sur Wangler ei prompts da habitar a Tujetsch en casa pervenda Cadruvi. Essend el cheutras domiciliaus a Tujetsch, sorprendess el era la pastoraziun duront l'jamna a Tujetsch pli u meins mo el, ferton che sur sondas e dumengias vegn ei rotau, aschia che tuts treis plevons exequeschan il survetsch divin dalla fin d'jamna en tuttas pleivs, quei che porta era certa variaziun en mintga baselgia. Essend che sur Wangler vegn tschentaus en buca sco plevon principal, mobein mo sco spiritual-gidonter, ei l'elecziun d'in tal spiritual en cumpetenzza dalla suprastonza e sto buca vegnir avon il pievel, aschia che las treis suprastonzas han lu era decidiu comunablamein d'engaschar sur Wangler, quei che giustifichescha era mo la informaziun dad oz sur dil niev plevon.

4. Sanaziun casa pervenda

Sgr. president Tadeus Giossi informescha detagliadamein ils presents sur dalla necessitad dalla sanaziun dalla casa pervenda. A caschun dalla davosa radunonza generala hagi il suveran dau anavos alla suprastonza per reponderaziun il tractandum «restauraziun e midada d'intent casa pervenda», demai che la caussa fuvi aunc buca madira. Sin giavisch e las ideas da sur Ozioma Nwachukwu havev'ins lura elaborau e calculau in project per midar entuorn la casa pervenda en in center da s'entupada religiosa per la giuventetgna sco era per autras uniuns, essend che l'instrucziun religiosa ni l'oraziun succedi ozildi buca mo en scola ni en baselgia, mobein - tenor sur Ozioma - pli e pli bia gest en aschia in liug communabel da s'entupada, il qual stoppi denton esser da maneivel dalla baselgia per cheutras saver semover vidaneu meglier. In ulteriur punct per quella midada ei era staus che la casa fuva lura buca occupada. Essend che l'entira caussa perschuadevi tuttina buca diltuttafatg, hagi la radunonza generala pia sco gia detg dau anavos il fatg per reponderaziun. Essend la

situaziun oz semidada e sur Wangler prompts da vegnir e habitar en quella casa, ein ils responsabels dil meini, ch'ina sanaziun digl object seigi en vesta digl object sco era per schar a tscheins nunevitabla, demai ch'ei seigi buca responsabel da far habitar zatgi en quella casa sco quei ch'ella sepresenti oz. Sin fundament dallas retschercas e calculaziuns fatgas, presenta sgr. president las midadas previdas cun lur cuosts. Dilucidond mintga sparta da lavur e la necessitad, resumescha el ed informescha ils presents sur d'ina summa totala da sanaziun da frs. 165'000.-, la quala ei documentada detagliadamein tenor gliesta aschuntada ch'ei ina part integrala da quest protocol. Silsuenten vegn dau liber la discussiun, dalla quala ei vegn fatg stedi part. Denter auter pren era la suprastonza communal, sgr. P. Berther il plaid, fagend attents il suveran ch'ei fussi da bein ponderar, sch'ei fussi buca meglier da disfar igl object diltuttatfatg, essend che la casa disfigureschi nosa biala baselgia totalmein, principalmein il bi maletg da nies clutger. Suenten liunga e viva discussiun pro ni contra, la quala muossa claramein ch'ins ei plitotst dil meini da buca disfar igl object e sanar tal per habitar e buca sco center da s'entupada, demai che tal object seigi buca igl adattau per ina semeglianta caussa, passa sgr. president tier la votaziun. Cun 29 encunter 13 vuschs vegn susteniu il meini dalla suprastonza e decidiu per la renovaziun.

4. Contract da servitud pendicularas

Essend che las pendicularas Sedrun SA ein dil schurmetg da natira anora obligadas da mantener vinavon e cultivar la palliu disfatga a Val-Val entras l'erecziun dil conduct d'aua per ils canuns da neiv, fan els la damonda da saver prender a tscheins a Gjuv-Craps la parcella dalla pleiv per saver vegnir suenter a lur obligaziuns. Demai che quella parcella - pli u meins mo palliu - ha oz negina valeta pli pil puresser e vegn era buca dumandada pli nundir cultivada da quella vart, ei la suprastonza prompta da schar a tscheins la parcella allas pendicularas per in prezi annual sco offeriu dallas pendicularas da frs. 500.- e quei sin 20 onns. Demai che quella servitut sto vegnir registrada el register funsil, sto ella era vegnir sancziunada entras la radunonza generala. Entras votaziun unanima decidan ils presents da schar a tscheins quella parcella sco mess avon.

5. Orientaziuns

Sut quei tractandum informescha nies president ils presents sur dalla nova situaziun en dar ductrina. Principalmein fa el paleis l'instrucziun dallas classas bassas entras «ductrina cun mummas», in niev model per l'instrucziun religusa. El selegra d'astgar

communicar las tschun femnas ch'ei stadas promptas da s'engaschar e frequentar ils cuors e silsuenter surpender l'instrucziun dalla 1. e 2. classa. Igl ei quei:

- dunna Ervina Estermann-Schmid, che ha gia esperienza demai ch'ella ha gia praticau quei sistem ella bassa. Plinavon sco novizzas
- dunna Ursulina Cavegn-Biscuolm, commembra da suprastonza
- dunna Anna Curschellas-Berther
- dunna Yvonne Flury-Tanner e
- dunna Letizia Berther-Loretz

El engrazia en num dalla pleiv ad ellas grondamein per quei engaschi e giavischa bia cuntentientscha, satisfacziun e plascher en lur niev pensum. Per las classas me-saunas ei sgr. A. Manetsch sedeclaraus prompts da segidar vinavon tenor basegns, essend ch'el hagi survegniu agid ussa ella pastoraziun. Denton ei ins era cheu vid-lunder dad encurir e scolar persunas laicas sco catechetas, demai che sur Alexi vul pigl avegnir ord motivs da memia bia lavur plitost mo surpender la classa dils prem-communicants. Il scalem ault; q.v.d. 7avla ed 8avla classa vegn surprius dacheuden-vi da sgr. Ozioma entras la pleiv e la davosa classa cun dis da projects era entras sur Ozioma, denton sur la SIGA ora, per cheutras saver accumpagnar ils affons meglier vi ella fasa da giuventetgna.

6. Varia

Essend che negin giavischa il plaid sut varia, siara sgr. president la radunonza allas 21.45 uras giavischond a tuts in bien retuorn a casa ed ina buna notg.

7188 Sedrun, mars 2003

Il president:

Giossi Tadeus

L'actuara:

Monn Daniela

Rapport

dalla suprastonza dalla pleiv da Tujetsch per igl onn 2002

Preziadas parochianas, preziai parochians

In onn sauda puspei tier il vargau ed ins sa resumar empau il curriu e passau enteifer quei onn. Dis da legria e suleagl han brattau giu cun dis da tristezia e plievgia. Per ils ins ha la sort tuccau pli fetg e per ils auters ein ils dis da malaura stai ina grevezia. Il bien Diu reparta denton suleagl e plievgia, legria e tristezia aschia sco el vul. El lai buca influenzer nus en sia repartiziun, schegie che nos giavischs ein meinsvart tut auters. Il buordi ch'el surdat a mintgin ei buca eguals, denton dat el a mintgin la forza da purtar siu buordi. A tuts cartents lai el sclarir la steila da Nadal che gida nus a supportar las grevezas mundanas e che dat glisch en nies stgir intern. Quella steila sclarescha adina e piarda mai la tarlischur. Ella ei per tuts la medema e tuttina vesein nus ella differentamein.

Ils schabetgs enteifer nossa cuminonza ein stai pli u meins a pèr a quels dils onns vargai. Aschia era las lavurs e fatschentas che la suprastonza da pleiv ha giu da liquidar. En tut essan nus serimnai 10 gadas ed havein discussiunau e liquidau las lavurs da nossa pleiv. In tema ch'ei dapi onns fetg actuals ei la scartezia da spirituals e cunzun spirituals romontschs. Nus essan adina sin la tscherca d'ulteriuras forzas ella pastoraziun, mo quei ei sco d'encurir aur. Igl ordinariat episcopal ha surdau avon entgin temps a sur Alexi Manetsch era la pastoraziun ella pleiv da Medel. Aschia ha el ussa treis pleivs, in pensum enorm che pretenda grond engaschi. Grazia als aug-segners pensiunai ed al vicari Sur Ozioma Nwachwukwu sa quei pensum vegnir ademplier en ina plascheivla fuorma. Las messas san denton buca pli vegnir fatgas sco quei che nus eran endisai ils davos onns. Per part ston las messas vegnir stuschadas, per ch'ei possi aunc en per quei spiritual da celebrar en in auter liug ina s. Messa. Cumparegliau cun auters loghens savein nus esser fetg engrazieivels d'haver mintga dumengia 2 s. messas e da haver in spiritual che habitescha en nossa pleiv. Nus sperein denton fermamein d'anflar egl avegnir in spiritual per las treis pleivs che sa prender naven empau lavur da Sur Alexi.

Renovaziun dalla caplutta s. Clau a Tschamut

Beinspert la primavera ei vegniu entschiet cun las lavurs dalla renovaziun dalla caplutta da s. Clau a Tschamut. Per quellas lavurs era ei previu ina summa da rodund 30'000.00


francs. Denton pér cura ch'ins ha entschiet cun la restauraziun ein entginas caussas vegnidas neunavon ch'eran buca previdas. Aschia ha il tetg dil teschamber stuiu vegnir fatgs da niev. Il stuors era ruts e l'aua targeva giuaden, aschia ch'il lenn era tut marschs. Plinavon ei lu era vegniu colurau internamein l'entira baselgia e buca mo sco previu il pli necessari. Ord quels motivs ein ils cuosts per la restauraziun vegni empau pli gronds. Igl ei denton stau necessari da far quellas ulteriuras remaduras. Ils cuosts ein cheutras s'augmentai sin rodund frs. 35'000.00. Grazia a numerus donaturs che han susteniu finanziamein la restauraziun e renovaziun dalla caplutta da s. Clau e grazia al respargn avon maun, resta ei aunc in deivet da rodund frs. 12'000.00. Quei ei in pulit grond buordi per la fundaziun da s. Clau, mo cun Vies agid e Vossa generusadad sperein nus da saver sminuir il deivet onn per onn. Ils 1 da december ha sur Alexi Manetsch fatg la s. Messa d'inauguraziun. In mudest diember da pelegrins ha suandau igl invit e dau honor a s. Clau. Igl aperitiv suenter messa, preparaus ed organisaus dil cussegl pastoral ha dau la caschun da dar ina paterlada denter ils parochians e culs vischins da Tschamut. A tut quels ch'ei segidai cun spisa e bubronda ed era cun lavurs in sincer Dieus paghi. Ussa ha la caplutta veramein en in niev vestgiu ed ella fa ina biala paret egl empren vitg da nossa vischnaunca e da nies cantun. Quei bi sanctuari ei in dils emprems scazis en nossa Val che dat perdetga da dis ed onns vargai. In bein cultural da gronda muntada buca mo per la pleiv mobein era per nossa vischnaunca. Lein sperar che las instanzas politicas schazegien era quella cultura egl avegnir.



Caplutta s. Clau a Tschamut

Creisma a Tujetsch

Il 21 d'avrel 2002 ha nossa pleiv astgau haver puspei ina s. Creisma. Uonn franc e segir ina Creisma tut aparti. Suent onns da turbulenzas egl uestgiu da Cuera have in nus astgau beneventar monsignur Amadee Grab, uestg da Cuera en nossa pleiv. En num da Jesus Christus ha monsignur Amadee surdau il s. Sacrament dalla creisma a 15 affons dall'annada 1990. Quels affons ein vegni preparai sin la vegnida dil sogn Spért da nossa catecheta, dunna Angelica Tuor. Ensemen cun ils affons ha ella era preparau la s. Messa da fiasta, alla quala in grond pievel ha assistiu. Igl ei veramein stau in bi di da fiasta e nus sperein bugen che monsignur Amadee Grab vegni puspei tier nus.



Midadas tiel personal

Cun la fin digl onn da scola 2001/2002 ha dunna Angelica Tuor remess igl uffeci da catecheta tier la pleiv da Tujetsch. Siu engaschi ei staus cuorts, denton ord motivs famigliars ha ella stuiu abdicar la piazza. Duront quei tempset ha ella dau ductrina al scalem bass, menau il secretariat e segidada cun ils augsegners nua ch'ei ha fatg basegns. Bein enqual messa ha ella preparau ensemble cun ses scolars. Per tut siu engaschi ed agid engrazia la suprastanza da pleiv era en num da nossa cuminonza. Bugen sperein nus che sia buna lavur d'instrucziun, denton era la lavur en favur dalla pleiv anflì bien terren e sappi prosperar. Pigl avegnir giavischein nus ad ella e sia famiglia tut bien e sperein ch'els anflien ella Tumliasca in niev dacasa.

Medemamein ha dunna Gisela Just suenter in onn d'engaschament abdicau la piazza sco instructra da ductrina pil scalem ault. Quei pensum ha ella fatg ensemen cun sur Ozioma. Era ad ella admettein nus in grond engraziament per quella instrucziun e giavischein pil futur bia cletg e ventira.

Il Segener ha dau, il Segner ha priu - siu num seigi benedius

En nossas baselgias e capluttas ein uonn treis lètgs vegnidas enzinnadas. Als spusai gratulein nus cordialmein e giavischein tut mo bien en la veta matrimoniala.

Il Segner ha dau - La steila da Nadal ei sefermada ed ha annunziiau la vegnida d'in affon. Nossa cuminonza cristiana ha astgau beneventar uonn 9 pignets che han retschiert il s. Sacrament dil batten. Ulteriuramein ein en nossas baselgias e capluttas aunc 10 affons vegni battegiati. A geniturs ed affons gratulein nus cordialmein e giavischein bia legria e tut mo bien pil futur.

Il Segner ha priu - Il zenn grond ha annunziiau uonn 17 ga la mort d'in vischin da nossa pleiv. Els ein suandai la steila da Nadal che ha menau els vi ella perpetnadad. Ils ins han fatg quei ella fluriziun dalla veta, ils auters cun empau dapli onns. Dieus dispona sur da tut. Denton ussa astgan els guder buca mo la splendor dalla steila mobein la splendor da Cristus. Per tuts survetschs fatgs a nossa cuminonza engraziein nus e schein Dieus paghi. Bugen lein nus mantener Vus cars defuncts en buna memoria.



**Crusch da
granit sil Calmut**

Casas, baghetgs e beins

Sco mintg'onn dat ei da rugalar e metter en uorden ina u l'otra caussa. Las finanzas ein tier las fundaziuns fetg variontas. Las inas stattan finanziel bein, autras han pli grondas difficultads. En general stuein nus constatar che las unfrendas e donnaziuns van onn per onn anavos tier tuts sanctuaris. Aschia sto la pleiv segidar e metter a disposiziun ils mettels finansials.

El proxim temps ston ins prender en mira ina restauraziun interna dalla baselgia parochiala da s. Vigeli. Ils mirs ein fetg ners e macorts ed era igl altar sestgirenta pli e pli fetg. Il sontget dils Gediun fa medemamein era si ina tscheretta ed havess basegns d'ina remadura. Onn per onn quintein nus da saver migliurar in u l'outer sanctuari quei denton era mo cun Vies agid finanziel ni cun ina lavur.

Engraziament

A Vus tuts, preziada cuminonza cristiana, admetta la suprastonza da pleiv in cordial engrazia fetg. Cun Vies engaschi e Vossa participaziun contribuis Vus in bien prosperar en nossas retschas. Il beinstar d'ina cuminonza dependa dalla contribuziun che mintg' in porta viaden en quella. A Vus tuts che contribuis sin ina moda ni l'otra lavur ed in bien prosperar admettein nus in sincer Dieus paghi.

Denton lessen nus buca tralasar d'engraziar specialmein:

- A nies plevon Sur Alexi Manetsch e siu gidonter Sur Ozioma Nwachukwu ed a tuts spirituals che segidan cun els en lur grond uffeci.
- A sur Placi Huonder, sur Christian Monn e sur Giusep Berther.
- Allas dunnas che instrueschan ductrina.
- Allas calustras e lur gidonters, als ugaus da baselgias e capluttas.
- Als chors baselgia, mischedai ed alla societad da musica cun lur dirigents, organistas ed organists.
- Al cussegl pastoral, allas differentas uniuns ed a tuttas ministrantas e ministrants cun lur accompignadras.

Mettend tut sut la protecziun dil Tutpussent giavischein nus a Vus tuts tut bien e salidein.

Rueras, mars 2003

Per la suprastonza dalla pleiv Tujetsch

Il president: Tadeus Giossi

Rapport annual 2002 dil Cussegl Pastoral Tujetsch

Preziadas conparochiantas e prezias conparochiants

Quei usitau rapport annual duei dar in'investa ellas activitads dil Cussegl Pastoral Tujetsch.

Sogns retgs

Noss'emprema lavur egl onn niev ei mintgamai organisar e preparar las gruppas dils s. Retgs. En buna collaboraziun cul scolast Benedetg Hendry, las calustras, l'Astrid Monn che colurescha gia entgins onns ils s. Retgs e commembers dil Cussegl Pastoral ei quei gartegiau oreifer. A tuts affons e gidonters in cordial engraziament per quei survetsch.

Di da suppa

Igl usitau di da suppa havein menau atras il meins mars. Ina sala emplenida da parochiants/as han festivau la biala s. messa legida da Sur Ozioma ed embellida dil Chor baselgia da Sedrun. Sco engraziament per il recav dalla vendita da raccolta dil di da Rogaziun Federala 2001 ha Sur Ozioma cun sia sora muniessa cuschinau ina suppa tenor recept african. La suppa da giutta che vegn onn per onn cuschinada ed offerida da signur Jgnazi Schmid ha gustau grondius al pievel. Da cheu anora lessel dar vinavon ad el bia lauds retscharts ed engraziar grondamein per sia lavur e beinvulentscha. A tut ils auters gidonters e gidontras admittel in sincer Dieus paghi per igl agid e la lavur prestada. Era all'uniun da dunnas lessel engraziar che nus astgein onn per onn far diever da lur vischala. Per il recav che va en favur dall'unfrenda da Cureisma a tuts in grond engraziament.

Fiasta da Sontgilerest

La messa da Sontgilerest ei vegnida celebrada era sco ils davos onns avon casa s. Vigeli. Suenter messa ha la gruppa dil camp da ministrants envidau tier in gentar da cuminonza. Il recav da quei gentar ei ius per il camp da ministrants ch'ei vegnius menaus atras igl atun. Engraziel fetg als organisaturs per la gronda lavur en favur da nos affons.

Aperitiv a Tschamut

Bunamein sin la fiasta dil patrun baselgia da Tschamut, Sontga Clau, havein astgau festivar l'inauguraziun dalla caplutta renovada a Tschamut. Cun quella caschun havein astgau offerir in aperitiv als benefactors da Sontga Clau.

Survetsch divin preeucaristic e liturgic

Cun grond engaschi e bia premura vegnan ils survetschs divins dil plaid preparai e legi da quellas gruppas. Nus lein engraziar ad els grondamein per quei survetsch ed era in engrazia a tut ils lecturs ch' embelleschan mintga survetsch divin.

Revisiun dils statuts dil Cussegl Pastoral

Ei decuors digl onn havein revidiu ils statuts dil Cussegl Pastoral. Artechels revidi:

- Art. 7 Il cussegl pastoral dumbra 11 commembers, numnadamein:
- commembers d'uffeci, - commembers delegai, - commembers elegi

- Art. 8 Commembers d'uffeci ein il plevon, il vicari, la catecheta e la calustra. Igl augsegner nominescha dus commembers.
- Art. 9 Ils ulteriurs 5 commembers vegnan elegi dils votants dalla pleiv.
- Art. 10 Igl ei da preveder che l'entira pleiv seigi representada tenor schlatteina, vegliadetgna, liug eav.
- Art. 11 Ils commembers vegnan elegi dalla radunonza da pleiv.
- Art. 16 Il Cussegl Pastoral seconstituescha sesez. El secumpona da:
- president
 - actuar/vicepresident
 - cassier
 - ulteriurs commembers
- Il delegau dalla suprastonza da pleiv astga buca surprender in da quels uffecis. President, vicepresident ed actuar formeschan la suprastonza.

Demissiuns ed elecziuns

La perioda d'uffeci da treis onns ei contonschida. Cun quei che nos statuts ein vegni revedi ed ils commembers reduci tut che leva demissiunar. La finala han demissiunau Berther Letizia, Tuor-Valier Angeliva, Cavegn-Tenner Rita, Cavegn Alexander, Berther Florian, Loretz Jovita, Monn Ignazi, Berther Gebharda e Sandra Capaul. En quei connex lessel prender la caschun ed engraziar grondamein a tut quels commembers che han bandunau il Cussegl pastoral per lur grond engaschi.

Vegni elegi da niev ein:

Cavegn-Monn Daniela

Hendry Romana Tina

Allas niev elegidas giavischel bia plascher e satisfacziun en lur niev pensum.

Conclusiun

In exprimiu Dieus paghi a nos premurai e nunstunclenteivels plevons sur Alexi e sur Ozioma per lur buns survetschs e lur engaschi en favur da nossa pleiv. In grond engraziament a tut ils plevons pensiunai e paders dalla claustra da Mustér che han inagada ni l'otra gidau en nossa pleiv. A tuts gidonters el zuppau, allas calustras e calusters, a nos chors baselgia cun lur dirigents ed organists, alla uniu da dunnas ed a tuttas uniuns che segidan per il beinstar da nossa pleiv sauda in cordial engraziament. Alla fin lessel da cor engraziar per il sustegn ed agid da vart dalla suprastonza da pleiv cun il president Giossi Tadeus e medemamein era a mes consuprastonts e commembers dil Cussegl Pastoral.

Sedrun, avrel 2003

Per il Cussegl Pastoral
la presidenta

Rebecca Loretz

Bilanza per ils 31.12.2002

Activas

Facultad currenta

Conto banca Cantunala	9'227.80
Conto banca Raiffeisen	34'589.00
Debiturs	500.00
Dabien taglia da cult	195'529.49
Dabien taglia anticipada	186.70
Activas transitoricas	0.00

Facultad plazzada

Casa pervenda Sedrun	227'000.00
Casa pervenda veglia Sedrun	171'000.00
Casa pervenda Rueras	143'000.00
Casa pervenda Selva	176'000.00
Baghetg Selva	36'500.00
Faner Rueras	8'000.00
Prau agricol	20'000.00

Tetels da valur

Conto da spargn BRT	30'559.00
Emprest baselgia s. Vigeli	15'000.00
Emprest Caplutta s. Clau	8'000.00

Passivas

Capital jester

Crediturs	2'900.75
Deivet hipotecar	60'000.00
Passivas transitoricas	0.00

Agen capital e reservas

Agen capital	981'699.95
Reserva manten.baghetgs e baselgias	80'000.00
Gudogn / sperdita digl onn	-49'508.71

Total

1'075'091.99

1'075'091.99

Quen da cult pigl onn 2002

Expensas

Cuosts da personal/istanzas

Pagas	147'736.90
Pagas e cuosts suprastonza	25'901.25
Pagas augsegners gidonters	6'113.10
Pastoraziun da giuventetgna CADI	8'000.00
Cuors da perfecziun	2'095.00
Cussegl pstoral / Agid pastoraziun	1'718.85
Cassa da cumpensaziun AVS	13'902.45
Cassa da pensiun	7'304.05
Cassa da malsauns ed accidents	1'102.25
Ulteriurs cuosts da personal	5'720.00

Cuosts casas, baghetgs ed indrezs

Manteniment casas	31'886.25
Manteniment baghetgs	1'464.35
Manteniment indrezs	22'588.65
Manteniment e cuosts dad orglas	1'600.00
Manteniment baselgias e lavurs da contuorn	3'620.90
Ieli, electricitad, aua	4'642.40
Serenera, canalisaziun e miardas	5'209.10

Cuosts generals

Tscheins e cuosts da banca	2'521.40
Taglias	1'230.00
Segiradas	2'647.90
Auto e garascha	3'132.60
Contribuziuns	14'577.70
Ulivaziun sperditas	5'000.00
Incasso taglia	4'018.15
Uorden per dar ductrina	8'891.80
Stampats/publicaziuns/inserats	4'769.60
Cuosts da biro/EDV/portis	3'433.25
Spesas suprastonza/consumaziuns radunonzas	1'777.40
Ulteriurs cuosts generals	313.65
Deducziuns	13'700.00

Total expensas

***356'618.95**

Entradas

Taglias

Taglia da cult	214'729.49
Taglia alla fontauna	20'654.85

Tscheins

Tscheins casa	30'750.00
Tscheins da banca	192.50
Tscheins fondos e carnets	341.30
Tscheins da praus e terren	5'624.00
Parcadis/plazza da sport	19'034.00
Tschaler da schurmetg	3'593.00

Contribuziuns

Contribuziuns caluster	1'500.00
Contribuziuns ductrina	6'000.00
Bunamanas Sontget Gedijs	502.50
Diversas intradas	4'188.60

Total entradas

***307'110.24**

Cumparegliaziun

Total expensas/entradas	*356'618.95	*307'110.24
Fatg anavos		*49'508.71
Total	*356'618.95	*356'618.95

Preventiv 2003

Expensas	Quen 2002	Preventiv 2003
Cuosts personal/instanzas		
Pagas	147'736.90	143'000.00
Pagas e cuosts da suprastonza	25'901.25	26'000.00
Pagas augsegners gidonters	6'113.10	4'000.00
Pastoraziun da giuventetgna CADI	8'000.00	8'000.00
Cuors da perfecziun	2'095.00	2'000.00
Cussegl pastoral	1'718.85	4'000.00
Agid vid la pastoraziun	0.00	1'000.00
Cassa da cumpensaziun AVS	13'902.45	13'600.00
Cassa da pensiun	7'304.05	7'500.00
Cassa da malsaus ed accident	1'102.25	1'500.00
Ulteriurs cuosts da personal	5'720.00	5'000.00
Cuosts casas/baghetgs ed indrezs		
Manteniment casas	31'886.25	30'000.00
Manteniment baghetgs	1'464.35	2'000.00
Manteniment indrezs	22'588.65	4'000.00
Manteniment e cuosts dad orglas	1'600.00	1'500.00
Manteniment baselgias	1'882.70	3'000.00
Lavurs da contuorn	1'738.20	2'000.00
Jeli, electricitad, aua	4'642.40	3'000.00
Serenera, canalisaziun, miardas	5'209.10	5'000.00
Cuosts generals		
Tscheins e cuosts da banca	2'521.40	5'000.00
Taglias	1'230.00	1'300.00
Segiradas	2'647.90	3'000.00
Auto, garascha	3'132.60	3'000.00
Contribuziuns	14'577.70	10'000.00
Ulivaziun sperditas	5'000.00	5'000.00
Incasso taglia	4'018.15	4'000.00
Uorden per dar ductrina	8'891.80	6'000.00
Stampats, inserats	4'769.60	5'000.00
Cuosts da biro, eed, porti	3'433.25	3'000.00
Spesas suprast./consum. radunonzas	1'777.40	2'000.00
Ulteriurs cuosts generals	313.65	2'000.00
Deducziuns	13'700.00	14'000.00
Total expensas	356'618.95	329'400.00

Entradas

Taglias

Taglia da cult	214'729.49	200'000.00
Taglia alla fontauna	20'654.85	25'000.00

Tscheins

Tscheins casa	30'750.00	38'600.00
Tscheins bancar	192.50	100.00
Tscheins fondos e carnets	341.30	200.00
Tscheins da praus e terren	5'624.00	4'600.00
Tscheins parcadis, piazza da sport	19'034.00	18'000.00
Tschaler da schurmetg	3'593.00	3'500.00

Contribuziuns

Contribuziuns caluster	1'500.00	1'500.00
Contribuziuns ductrina	6'000.00	6'000.00

Diversas

Diversas intradas	4'188.60	0.00
Bunamanas sontget Gedijs	502.50	0.00

Total entradas

307'110.24 297'500.00

Survesta

Preventiv/Quen

Expensas	-356'618.95	329'400.00
Entradas	307'110.24	297'500.00
Sperdita / Gudogn	-49'508.71	-31'900.00

Revista dil quen 2002 dalla baselgia s. Vigeli

Entradas

Unfrendas	17'204.45
Bunamanas	3'000.00
Tscheins bruts	3'699.15
Contribuziun pleiv	5'000.00
Restituziun messas fundadas	3'250.00

Total entradas **32'153.60**

Expensas

Segiradas/taxas	5'096.50
Energia	7'182.90
Stipendis messas fundadas	3'070.00
Embelliments/candeilas	2'083.65
Vins da messa/hostias	3'600.00
Manteniments	691.35
Tscheins/spesas banca	889.30

Total expensas **22'613.70**

Surpli entradas **9'539.90**

Il cassier:

Cavegn Simeon

Revista dil quen 2002 dalla baselgia s. Giachen

Entradas

Unfrendas ordinarias	9'826.25
Glischettas	6'309.95
Bunamanas	10'740.00
Restituziun messas fundadas 1974	1'750.00
Tscheins bruts	852.10
Total entradas	29'478.30

Expensas

Segiradas/taxas	2'736.80
Energia	3'709.25
Stipendis messas fundadas	1'310.00
Embelliments/candeilas	437.40
Vins da messa/hostias	445.30
Manteniments	31.90
Tscheins/spesas banca	2'593.15
Total expensas	11'263.80

Surpli entradas **18'214.50**

Il cassier:

Cavegn Simeon

Facultad baselgias e capluttas

Sedrun: Baselgia s. Vigeli	Facultad	23'548.35
Ugau e caluster:	Deivet	35'000.00
Deplazes Ursula	Fondo messas fundadas	193'760.00
Rueras: Baselgia s.Giachen	Facultad	1'451.15
Ugau e caluster:	Deivet bancar	57'000.00
Monn Imelda	Deivet Fondo mess. fund.	78'450.00
	Fondo messas fundadas	111'560.00
Selva: Baselgia s.Gion e Paul	Facultad	56'969.30
Ugau e caluster:	Fondo messa fundadas	29'250.00
Monn Flurin		
Tschamut: Caplutta s. Clau	Facultad	5'378.00
Ugau: Franziska Berther-Kuster	Deivet	8'000.00
Giuv: Casplutta s. Bistgaun	Facultad	18'740.94
Ugau: Monn Gion Giachen		
s. Brida: Caplutta s. Brida	Facultad	17'429.00
Ugau: Monn Flurin		
Zarcuns: Caplutta Nossadunna	Facultad	12'423.00
Ugau: Schmid Vigeli		
Camischolas: Caplutta s.Onna	Facultad	0.00
Ugau: Cavegn Venanzi	Deivet	26'150.00
Bugnei: Caplutta s. Giusep	Facultad	46'599.10
Ugau: Solèr Ambrosi		
Surrein: Caplutta s. Antoni	Facultad	36'449.00
Ugau: Loretz Jovita		
Cavorgia: Caplutta s. Leci	Facultad	6'794.00
Ugau: Hendry Ursulina		

Rapport dils revisurs da quen

Per la radunonza generala dalla Pleiv da Tujetsch

Stimada suprastonza

Stimadas commembras, stimai commembers dalla Pleiv da Tujetsch

La revisiun dil quen 2002 ei vegnida fatga entras ils 2 revisurs en preschientscha dil cassier sonda Pastgas, ils 19 d'avrel 2003. Tier nosssa controlla havein inspectau quen e bilanza sco era ils quens dallas baselgias e caplutas. Sco usitau ei il quen menaus conform alla contabilitad moderna schuber e bein. Tut ils mussaments ein avon maun e corrispundan allas cudi-schaziuns. Tier tut nossas damondas ha il cassier saviu porscher il sclariment giavischau.

Sin fundament da nosssa controlla proponin nus alla radunonza generala:

- a. dad approbar il quen e bilanza 2002 dalla Pleiv da Tujetsch*
- b. da dar scarica a cassier e tuts funcziunaris dalla suprastonza*
- c. dad admetter al cassier Simeon Cavegn in cordial Dieus paghi per siu grond engaschi.*

Sedrun, avrel 2003

Ils revisurs:

Ciril Monn

Rudolf Cavegn

Ufficials dalla Pleiv Tujetsch

Suprastonza dalla pleiv

president
vicepresident
actuar
cassier

Giossi Tadeus, Rueras
Venzin Mudest, Rueras
Monn Daniela, Camischolas
Cavegn Simeon, Sedrun
Cavegn Ursulina, Camischolas
sur Manetsch Alexi, Sedrun (ex off.)
sur Nwachukwu Ozioma, Sedrun (ex off.)

Post da contact

Revisurs da quen

suppleants

Cavegn-Flury Margrith
Cavegn Rudolf, Sedrun
Monn Ciril, Camischolas
Vinzens Linus, Rueras
Monn Hans, Camischolas

Ugaus baselgias e capluttas

Tschamut
Selva
S.Brida
Giuv
Rueras
Zarcuns
Camischolas
Sedrun
Sontget dils gedius
Bugnei
Surrein
Cavorgia

Berther Franzisca, Cavorgia
Monn Flurin, Selva
Monn Flurin, Selva
Monn Gion Giachen, Rueras
Monn Imelda, Rueras
Schmid Vigeli, Zarcuns
Cavegn Venanzi, Camischolas
Deplazes Ursula, Sedrun
Deragisch Valentin, Sedrun
Solèr Ambrosi, Bugnei
Loretz Jovita, Surrein
Hendry Ursulina, Cavorgia

Organists/as

Sedrun

Berther Rita, Rueras
Pally Vinzens, Rueras
Schmid Fabiola, Cuera
Steinacher Erica, Turitg/Mustér
Berther Rita, Rueras
Pally Vinzens, Rueras

Rueras

Dirigents dils chors

baselgia Sedrun
baselgia Rueras

Calustra Sedrun

Calustra Rueras

Caluster Selva

Hendry Benedetg, Sedrun
Hendry Tarcisi, Sedrun
Deplazes Ursula, Sedrun
Monn-Monn Imelda, Rueras
Monn Flurin, Selva

Cussegl pastoral:

presidenta
actuara
cassiera

Loretz Rebecca, Sedrun
Berther-Monn Claudia, Camischolas
Schmid-Cavegn Barla, Rueras
Cavegn-Monn Daniela, Gionda
Cavegn Ursulina, Camischolas
Deplazes Ursula, Sedrun
Hendry Romana-Tina, Sedrun
Monn Imelda, Rueras
Munsch Marcus, Sedrun
sur Manetsch Alexi
sur Nwachukwu Ozioma

ex. officio:

Catechetas

Cavegn Ursulina, Camischolas
Curschellas Anna, Sedrun
Estermann Ervina, Gionda
Flury Yvonne, Camischolas
Tuor Angelica, Camischolas (-30.06.2002)

**Parter ora la s.communiun,
lecturs/as, survetsch preeu-
caristic e gruppa liturgica**

Berther Bruno, Rueras
Bertehr Corina, Rueras
Berther Letizia, Camischolas
Berther Tumaisch, Sedrun
Cathomen Nicolina, Rueras
Cavegn Margrith, Sedrun
Cavegn-Fry Barla, Rueras
Cavegn-Monn Daniela, Gionda
Cavegn Franzisca, Sedrun
Cavegn Nesa, Sedrun
Curschellas Anna, Sedrun
Deplazes Ursula, Sedrun
Flury Yvonne, Camischolas
Hendry Antonia, Sedrun
Hendry Rafaela, Sedrun
Monn Hans, Camischolas
Monn Imelda, Rueras
Monn Marianna, Sedrun
Monn-Manetsch Renata, Sedrun
Monn Sep Andriu, Sedrun
Munsch Marcus, Sedrun
Schmid Vigeli, Zarcuns
Soliva Marcel, Sedrun
Vinzens Patrizia, Sedrun
Monn Astrid, Camischolas

Sminca s. retgs